

## **2ESO\_LG: Transcripción comprensión oral**

**Audio: *O roubo do século!***

**Moi bo día! Dámosche a benvida ás avaliacións de diagnóstico. Durante estes dous días vas realizar catro probas diferentes: a primeira é a de Lingua Galega e Literatura. Para comezar, vas escoitar un texto e responder unhas preguntas sobre el. A audición reproducirase DÚAS veces. Un sinal acústico [Piixiii] guiarate durante todo o proceso. Pon moita atención e intenta facelo o mellor posible.**

**Garda silencio, por favor. Empezamos.**

**Abre o teu caderno polas páxinas 4 e 5. Aproveita para ler o enunciado das preguntas no seguinte minuto e medio.**

[Esperar 90 segundos]

**Agora escoita atentamente. É importante que escoites sen responder as preguntas ao mesmo tempo: deste xeito, a comprensión será mellor. Cando o audio remate, terás tempo para ir contestando.**

[Audio *O roubo do século!*]

*"O roubo do século!", "Todo sobre o roubo do Códice Calixtino", "O escándalo da desaparición do Códice"... son algúns dos titulares que, hai xa unha década, se dedicaron ó roubo deste libro, que desapareceu dunha caixa forte da Catedral de Santiago de Compostela. Non foi ata un ano despois cando apareceu e se descubriu a identidade do ladrón e a súa motivación: a vinganza.*

*Máis recentemente, o Códice volve estar na boca da xente porque aquel roubo deu lugar a documentais, a series televisivas e funcións teatrais. Mesmo algunha teoría da conspiración se armou!*

*Pero... que aconteceu? Por que tivo tanta relevancia este feito?*

*Esta foi unha das moitas noticias que se publicaron nesas datas:*

### **O Códice Calixtino aparece no garaxe do detido, no Milladoiro, envolto nunha bolsa de plástico**

O Códice Calixtino apareceu. O valioso manuscrito estaba envolto nunha bolsa de plástico, a primeira vista, en perfecto estado, oculto nun garaxe do Milladoiro, preto de Santiago.

A aparición do Códice Calixtino disipou a principal preocupación dos investigadores, que era que o manuscrito fose vendido ou destruído. Por iso, cando o viron perante os seus ollos, entre os axentes e o propio xuíz instructor producíronse escenas de auténtica euforia e alegría. O Códice foi sacado do garaxe do Milladoiro sobre as 16.45 horas, no medio dunha enorme expectación.

Un ano despois da desaparición do códice, o pasado 5 de xullo de 2011, a Brigada de Patrimonio da Policía Nacional fixo onte as primeiras detencións en relación co caso. O principal sospeitoso do roubo é un técnico electricista, residente no Milladoiro, que traballou durante máis de 25 anos no templo compostelán.

A policía vixiábao dende había tempo e, ó longo desta semana, os axentes realizaron varios rexistros en domicilios, garaxes e rochos de Santiago, O Milladoiro, Negreira e O Grove, nos que se atoparon copias do Códice, libros relixiosos antigos de gran valor —entre eles, un dos *Libros das Horas*, cuxa desaparición tamén fora denunciada—, documentación, correspondencia, chaves de acceso ás dependencias da catedral, unha gran cantidade de moedas e outros obxectos artísticos, así como 1.200.000 euros.

Durante todo este ano, o extraballador da catedral foi vixiado pola policía, que incluso intentou entrar en contacto con el de modo indirecto para negociar a devolución do famoso libro, que se considera que contén a primeira guía turística do camiño compostelán.

A primeira noticia da desaparición do Códice Calixtino foi recibida como un imposible. O 6 de xuño do 2011 a policía confirmou que investigaba a falta do Liber Sancti Iacobi compostelán da caixa forte da catedral de Santiago, aínda que non podía precisar o día exacto en que a xoia deixou de estar no seu lugar.

Naquelas primeiras horas apuntáronse dous posibles móbiles: unha vinganza interna e o roubo realizado por encargo dun coleccionista. Algúns especialistas valoraron o Códice en 10 millóns de euros.

A policía comezou a estudar as case 400 horas das cintas de vídeo das 25 cámaras que a catedral tiña instaladas. Cun problema engadido: na habitación na que se gardaba o libro, non había cámaras, as máis próximas estaban situadas nos corredores de acceso. O operativo incluíu controis de estradas ós que se sumaron efectivos da Garda Civil e da Garda Nacional Republicana en Portugal.

Tres meses despois, o encargado do arquivo da catedral dimitiu recoñecendo que a desaparición do Códice fora determinante nesa decisión e que as chaves da caixa na que se conservaba o libro estaban postas na pechadura.

**Agora podes comezar a contestar. Tes DOUS minutos. Se non sabes algunha resposta, non te preocupes. Nun anaquiño volverás escoitar a audición e terás máis tempo para afinar as respostas.**

[Esperar 2 minutos]

**Escoita o texto por segunda vez.**

[2ª volta: audio *O roubo do século!*]

*"O roubo do século!", "Todo sobre o roubo do Códice Calixtino", "O escándalo da desaparición do Códice"... son algúns dos titulares que, hai xa unha década, se dedicaron ó roubo deste libro, que desapareceu dunha caixa forte da Catedral de*

*Santiago de Compostela. Non foi ata un ano despois cando apareceu e se descubriu a identidade do ladrón e a súa motivación: a vinganza.*

*Máis recentemente, o Códice volve estar na boca da xente porque aquel roubo deu lugar a documentais, a series televisivas e funcións teatrais. Mesmo algunha teoría da conspiración se armou!*

*Pero... que aconteceu? Por que tivo tanta relevancia este feito?*

*Esta foi unha das moitas noticias que se publicaron nesas datas:*

### **O Códice Calixtino aparece no garaxe do detido, no Milladoiro, envolto nunha bolsa de plástico**

O Códice Calixtino apareceu. O valioso manuscrito estaba envolto nunha bolsa de plástico, a primeira vista, en perfecto estado, oculto nun garaxe do Milladoiro, preto de Santiago.

A aparición do Códice Calixtino disipou a principal preocupación dos investigadores, que era que o manuscrito fose vendido ou destruído. Por iso, cando o viron perante os seus ollos, entre os axentes e o propio xuíz instructor producíronse escenas de auténtica euforia e alegría. O Códice foi sacado do garaxe do Milladoiro sobre as 16.45 horas, no medio dunha enorme expectación.

Un ano despois da desaparición do códice, o pasado 5 de xullo de 2011, a Brigada de Patrimonio da Policía Nacional fixo onte as primeiras detencións en relación co caso. O principal sospeitoso do roubo é un técnico electricista, residente no Milladoiro, que traballou durante máis de 25 anos no templo compostelán.

A policía vixiábao dende había tempo e, ó longo desta semana, os axentes realizaron varios rexistros en domicilios, garaxes e rochos de Santiago, O Milladoiro, Negreira e O Grove, nos que se atoparon copias do Códice, libros relixiosos antigos de gran valor —entre eles, un dos *Libros das Horas*, cuxa desaparición tamén fora denunciada—, documentación, correspondencia, chaves de acceso ás dependencias da catedral, unha gran cantidade de moedas e outros obxectos artísticos, así como 1.200.000 euros.

Durante todo este ano, o extraballador da catedral foi vixiado pola policía, que incluso intentou entrar en contacto con el de modo indirecto para negociar a devolución do famoso libro, que se considera que contén a primeira guía turística do camiño compostelán.

A primeira noticia da desaparición do Códice Calixtino foi recibida como un imposible. O 6 de xuño do 2011 a policía confirmou que investigaba a falta do Liber Sancti Iacobi compostelán da caixa forte da catedral de Santiago, aínda que non podía precisar o día exacto en que a xoia deixou de estar no seu lugar.

Naquelas primeiras horas apuntáronse dous posibles móbiles: unha vinganza interna e o roubo realizado por encargo dun coleccionista. Algúns especialistas valoraron o Códice en 10 millóns de euros.

A policía comezou a estudar as case 400 horas das cintas de vídeo das 25 cámaras que a catedral tiña instaladas. Cun problema engadido: na habitación na que se

gardaba o libro, non había cámaras, as máis próximas estaban situadas nos corredores de acceso. O operativo incluíu controis de estradas ós que se sumaron efectivos da Garda Civil e da Garda Nacional Republicana en Portugal.

Tres meses despois, o encargado do arquivo da catedral dimitiu recoñecendo que a desaparición do Códice fora determinante nesa decisión e que as chaves da caixa na que se conservaba o libro estaban postas na pechadura.

**Por último, tes TRES minutos para acabar de contestar.**

[Esperar 3 minutos]

**Rematou a primeira tarefa! Revisa o que necesites e continúa co resto da proba; a partir de agora xestionas ti o tempo. Podes pasar a páxina!**